



二酉園詩集卷之七

泗陽陳文燭長安鄧振鐸叔著

一五言排律

飲化州伯有斐亭

同家兄明叔陸諸陸



和叔堪佳

寒玉傍孤岑
晴空散積陰
謝家瓊作樹
阮氏竹為林
踈籜飄龍影
新梢弄鳳吟
驩無他客在
酒為此君尋
渭畝清於滴
淇園綠自深
乾坤一亭榭
風雨好披襟

五日表刺史招同初幼嘉劉子和費以明

王觀生吳仲立陳子壽丘子雲飲潤公禪
房

龍舟原勝賞鴈塔况佳期浴水過蘭若登山弄
采絲汨羅江更遠荆楚吊應奇况對長沙侶高
歌漁父詞渡杯誰爲競載酒幾相知十夜良非
偶明朝不再持

刺史袁公招同蕭凌雲凌遠凌喬凌漢孟
以賢家兄和叔遊蓮花池

芳沼開蓮葉江城弄柳枝波光輕棹蕩水面穀
文奇雲集來諸彥風流見我師作杯牽翠蓋折
藕吐青絲過櫓逢幽境聞歌起夕吹蟾蜍明似
洗魚藻戲相隨操染驚千古江湖信一麾襄陽
有山簡常醉習家池

過胡侍御墓有感
下拜蘭臺後孤墳草莽中懷人希見面感舊結
深衷已化丁令鳥猶傳鮑氏驄輪埋秦地遠轡
攬大江空古木聞啼鳥荒烟散斷鴻相思同漢
水歲歲自朝東

讀梁公實詩感懷兼簡倫紹周

嶺海斯人去瓊瑤此日留飄零憐世講俛仰動
羈愁駒隙誰能久鴻名已自優奇書窺二酉清
夢繞三洲早結黃初社翻成白玉樓雄才參鮑
謝麗藻失曹劉玄草人應重丹砂興更悠南金
餘隻字華表竟千秋同調還逢侶高蹤未可求
食霞多舊藥因爾問羅浮

喜雪

有序

嘉靖丙寅仲冬九日

主上禱雪初降是日同曾水部飲水部出於
亥曹中所賦望雪詩且新刻之石者語多
悲憤與予懷合又雪夜讀之事甚奇予得
次其十一韻水部調高寡和我其爲巴人
之曲乎它年或可爲雪夜一佳話矣

三冬驚柳絮六出見花神塵洗龍沙遠光生鳳
闕新飄颻下蘭渚點綴慰楓宸赤土多豐兆黃
臺似舊貧周郊歌聖主梁苑憶詞臣九塞還胡
騎三湘有縱鱗愁心頻送目僵臥未安身把酒

酬南國揮毫動北辰
鴈鴻千里度鳥鵲一枝馴
瓊樹疑無夜江梅欲報春
山陰何待訪郢里舊
爲隣

予既爲喜雪長律倫紹周見而和之雪亦

霽復次前韻

積素渾如畫凝華不減神
流風回尚舞曉月映
尤新萬玉堆玄圃千山照紫宸
煎茶簷際溜貰酒杖頭貧
尚有徵兵詔誰爲草檄
臣枯藤吹暮獵棘樹凍雲鱗
駒隙真頻過鷓行愧此身百憂

侵病骨三尺撫良辰
天遠鴻偏少人稀鳥自馴
水深湘國水寒動嶺南
春幸矣聊同舍何當更
卜隣

李本寧進士夜酌

釋褐看先輩交游古誼存
得君如琬琰謁重帝
况騰騫絕調驚三楚
長楊賦萬言鳳毛偏有色
鷓侶竝承恩身致青霄早
歌從白雪翻經將談
虎觀名已重龍門意氣寒
雙劍芳菲倒一尊聽
鶯聲正好倚馬筆如奔
漢署空留滯家山只夢

魂風塵無上策兵火尚中原鼓角悲天際踈鐘
度禁闔却憐今夕語還得細相論非獨一尊
送吳明卿之高州茲行得投吊梁公實未
句及之

十載違天闕三春盡客居知希占我貴名重與
人踈銅柱方持節金門昔諫書長沙曾逐客澤
畔渺愁予梁苑堪垂詠匡山尚有廬一麾仍出
守百粵又驅車賦久誇鸚鵡文因徙鱷魚夜珠
還合浦蠻鼓急潮沮畫戟牽新荔朱旛照瑾瓊
松明便眺覽梅發幾躊躇海市樓船迥羅浮杖
履舒梁鴻無限思好式越溪閭

壽傅表叔司徒六十

八座台衡望三春壽域新世勲原自洛閭氣忽
生申雲漢思飛羽風流况絕倫說巖商鼎夢武
仲漢家臣虎服文猶在龍圖志更頻振衣魁楚
甸弱冠擁朝紳茂宰鳧爲鷗循良雉可馴山公
驚啓事海宇荷陶甄去國緣何事明農意已真
衮衣重日月曳履尚星辰還借東山臥來清朔

漠塵丁年如有待甲子正周旬赤舄縣應久青
尊得暫巡呼盧同傅奕投轄有陳遵詩句含池
草逍遙任積薪鴈行情自好鶴髮願多臻時同家大
人里

送費叅軍之留都

費禕才元俊陳遵酒更狂談天方碣石攜手復
河梁爭羨家聲重能令國運昌三台曾鼎鼐二
妙比琳瑯奕世還鷓鷯奇毛自鳳凰轅門新載
筆蘭省舊含香此去青山興誰賡白雪章江深
雲樹渺秋到雨花涼玄武湖波練金陵王氣長
流霞低夕照寒月帶星光鐘漏疑閭闔樓臺即
未央川塗無限好登覽屬僊郎

梁舍人思伯使齊過淮舟中賦別

雲樹經年別星輶何處來秦時餘禪草漢使是
僊才繫艇蒼烟合呼尊夜雨開鴈聲黃葉裏蜃
氣白雲隈劇郡無奇思荒城有舊臺重陽應計
日還醉菊花杯

舉遠樓詩十六韻爲王中丞賦

上國今開府中原早借籌貲能操握掌筭更速
傳郵貢道尋神禹奇謀失鄩侯牙檣飛潞口高
閣倚沙頭河海輸同至乾坤氣自浮尊前帆影
落檻外櫓聲柔喜見江淮潤應知島嶼幽舳舻
驚萬馬旗鼓走羣鷗派入龍門舊波從蜃氣收
詩成青玉案潮繞白蘋洲縹緲連霄漢謳歌滿
道周捲簾來月色散帙有風流報主心偏赤匡
時鬢欲秋人皆憐絕賞誰謂本先憂國計看全
勝輿圖此上游披襟登覽者不羨仲宣樓

嘉會亭同憲長林震起憲副王召之僉憲

周道可張子貞賞山茶

幽興真僊吏名花况錦官山龍珠吐色海鶴頂
呈丹載酒仍同調憑軒此共看絳苞渾不散寶
氣欲生寒春入瓊瑤樹霞生瑪瑙盤東風如解
意爲我護闌干

送王召之大叅任廣西兼酬華嵩見懷之

作

縹緲天南路輜軒日近家君今游八桂我尚滯

三巴草色羊城遠山光象郡斜杖藜誰勝槩題
品自烟霞仙掌飡飛露嵩陽采落花故人有佳
句應寄錦江涯

送陳元忠編脩北上兼寄李元甫脩撰

雲樹千山裏旌旗一望中才名原虎觀春色滿
蠶叢此去承君寵人言有父風丹心隨闕遠僊
掌倚天雄稷契明時事王揚異代工揮毫金馬
者尊酒喜相同

嘉會亭同僉憲杜與言甄子一送憲長劉

養吾北上

梓榭開幽徑吾徒卜夜分乾坤頻對酒風雨幾
論文作客同千里憐君到五雲竹寒青欲滴蘭
久坐忘薰事業從龍建音書託鴈聞倚欄有明
月似爲惜離羣

送劉都閩入賀

三川炎暑候一雨晚涼生愛爾真多藝臨岐空
復情雲寒諸葛壘風度伏波營疑塞諸夷貢呼
嵩萬國聲到時逢盛典好爲請長纓別後峨山

月隨君處處明
送李舍人使蜀還朝
君擁相如節人驚博望槎
江頭看濯錦峽口聽
琵琶握手談鄉井
臨岐問酒家
千山無故侶
四牡正皇華
別意牽垂柳
溪聲是浣花
鳳池如視
草爲我寄天涯

陳于韶憲使臥雲樓觀紅梅

綠樹樓臺景紅梅爛熳
牡丹心驚萬里春色到
三巴愛護無游蝶探尋
及暮鴉瓊瑤曾驛使
興自君家竹外寒增態
燈前晚吐華清香招
侶老榦繫僊槎浮影星
疑落懸冰月更斜
獨憐青玉案似帶赤城霞

昆山草堂爲中丞潘公賦

結構隣三島圖書富五車
河陽看世業蒼雪自
交嘉問地原爲柳誅茅
更種花神芝開似玉火
棗大如瓜暇日楊雄草
清風陸羽茶山深泉易
響溪漲徑偏斜剡曲飛
新雪天台映落霞閑來
烹石道偶爾飯胡麻
金谷鳥程酒銀河碧漢
楂

論心多素侶習靜只丹砂粟里名園舊桃源別
墅餘十年歌詠者八座帝王家

謁闕里廟

吾道流寰海斯文在故鄉千秋尋魯甸萬仞有
宮墻高閣奎文迥尼山行慶長冕旒三代上蘋
藻兩楹傍以我觀羣后何人等素王和風檜猶
好時雨杏偏芳開闢餘元氣浮沉藹瑞光升堂
誰更入築室且于場堯舜賢應遠周公夢未亡
禮原看俎豆樂實奏笙簧歌鳳時難遇獲麟教
益彰于今歌泗水自古仰秋陽

游靈巖寺有序

寺蓋在泰嶽西北云羣山擁翼棟宇連雲
摩空干霄莫可名狀唐人纂千道圖乃比
于棲霞國青玉泉爲宇內四絕余得游焉
小校真一適也次王元美十二韻

名利高巖裏遺碑古道傍岱宗看未了寶塔見
還藏白兔驚神異青蛇事渺茫朗公會過魯初
祖盛于唐錫杖泉留月袈裟鐵自霜潛龍應解

脫幽鷓任飛揚取水真甘露尋溪得異香茶椒
供佛座梧竹滿僧房海日懸紺殿慈雲護法堂
鵲巢千樹頂鶴繞五花廊牽木遊偏好披衣臥
不妨偶來依淨土倏爾又河梁

濟南道中哭沈子靜司業

憶昔浮金闕于今葬鐵山書郵傳劔閣詩社結
燕關俊逸驅王孟編摩似馬班青尊頻促膝白
雪幾開顏諸子盟猶在惟君去不還交情見生
死俛仰憶人寰問俗齊風近傷心魯甸間束芻
行未遂把劍淚空潸

望青州感懷

有序

永樂間先中順公守青有善政祀于名宦
琳瑯小子督運過山東思往拜焉乃奪于公期
不果也感賦十二韻
烈祖官齊壤名邦尚路岐高標懸海岱惠澤共
濼淄一日歌來暮千秋繫去思勸農曾入畫脩
學覩遺碑留犢廉誰竝飛蝗歲不饑人言太丘
後重見醴泉奇乞骨三湘興攀轅萬姓悲龔黃

驚異代管鮑正同祠

三公青州循吏

往蹟真堪訪王程

更有期孤舟浮濟水何處是嵎夷遠樹秋雲隔

寒風夕浪吹徘徊一以眺愁絕悵吾私

同游懋甫方伯守歲

此夕驚除祓明朝慶履端情真傾竹葉家遠憶

椒盤白獸中朝會青龍北斗看流光同過客何

物是微官海畔春先得淮濱雪尚寒逢君多意

氣列炬漏聲殘

壽童母盧夫人七十

綠綺鳴華館黃封獻總帷夫君天所授

恩寵日相隨佩以雙鸞竝冠因五鳳奇無人知

夜雨有子向

明時曉月誰心賞清霜忽鬢絲萱花金作蕊桃

實玉為枝九族咸歌德諸孫盡誦詩江魚供饌

美寶鴨吐烟遲婢約真家範脩齡是母儀步兵

厨内酒歲歲薦瑤池

紫霞社得書字

弱柳逢春半高歌正醉餘人寰欣結社吾黨慰

離居輞水堪爲畫蘭亭更有書淳風回大曆逸
調見黃初月色浮杯淺鍾聲入座踈亦知占太
史此會復誰如

壽靈壁侯湯母七十

聖善稱賢母米霜見淑媛國儲歸令子家訓荷
殊恩情已陳烏鳥班仍首鷺鸕黃河渾似帶北
海自爲尊悅設天孫巧籌添壺範存還期三十
載再頌五千言

答慧敬上人

錫杖來巴蜀金焦聽講筵雲雲飛獨樹明鏡照
長川解帶高臺跡揮毫大徹篇朱樓塵外迥青
嶼望中連貝葉翻幽徑楊枝弄曉天登山尋古
洞汲水訪名泉禪榻深偏靜詩狂老欲顛船歸
江口月鐘散海門煙業白秋空遠心清夜雨懸
道林才不世慧可德無前寶塔原十一恒沙自
萬千幾時超苦海重訪大峨僊

七言律草文大對同致爽斜射無黃鵠莫歸

黃鶴樓

今古樓頭幾醉醒不堪踪跡問山靈梅花雨氣
飛江漢青草波光接洞庭徒倚恨無黃鵠翼臨
畢空有白雲亭莫言好景渾難賦鸚鵡愁從笛
裏聽

太白湖

太白湖連沙羨灘江天永夜客心寒風帆去去
驚千里月影垂垂尚一團漁火遠來驚鴈陣
歌深處起龍蟠明朝鐵笛仙人閣極目雲霄振
羽翰

秋日登郡城寺閣

木落空庭寺轉幽寶臺紺殿傍城陬水明月到
藤蘿徑江繞風生蘆荻秋三界欲超還七澤六
塵何處訪三洲閒同老衲談興廢指點山前呌
佛樓
上方重閣峙孤岑
望江流曲抱深雉堞樹圍
俱色相漁舟波響是潮音
曇花冉冉池邊雨蓮
葉飄飄渚上禽
自咲浮生無住着聊將詞賦結

東林隱者士會自知我生無卦音唯餘隨類益
具白送范伯禎南歸時學通政湯先生數雨裏
御溝絃管忽分携回首還聞匹馬嘶舉世有誰
憐白壁漢家何處照青藜寒江落木迎舟下遠
浦孤鴻帶雨啼後夜問奇重載酒子雲家在禁
城西
仙女臺
風生蘆花外三峽谷
芳樹青青奠石湖春來無事訪僊符半空雲雨
疑神女平地崗巒似小孤漢浦幾年留玉珮湘
臯千古薦蘼蕪醉歸馬上飛天鏡拾得臺前明
月珠

江行
劔書蕩漾往來便夏口西風夜泊船湘竹尚懸
它日淚江籬重賦舊時篇雲山淦淦渾如畫沙
樹戎戎渺似烟我欲投詞吊鸚鵡古今愁思滿
晴川

讀吳給事中余比部贈作有懷戰賦日更
江天寥落詠新詩回首長安重所思才子久傳

鸚鵡賦故人還在爽鳩司西山花鳥情逾好北
海芳尊興自奇謾道朱絃能絕調抱彈知己更
何時

同家兄渡河時庚戌虜警

黃河八月起新濤漂泊天涯路更勞南去鴈聲
隨赤羽中流楓葉亂青袍弟兄欲下憂時淚將
相誰爲出塞豪安得旄頭今夜落甘泉烽火未
容高

黃蓬山

黃蓬山勢接蓬湖湖上看山近有無落日荒臺
屯魯肅大江流水下周瑜崗巒連絡牽瓜蔓煙
雨參差列畫圖今古戰場堪一醉林間春鳥喚
提壺

家園牡丹

名品開來勝洛陽雕闌晴日興偏長風流正舞
千金態霞氣應標八寶粧誰送天香供酒聖從
來國色是花王芳菲亦有相憐意幾處能逢翰
墨場

甲寅七夕

傳言牛女度銀河終歲俄驚此夕過皎皎月華
隨去影盈盈水色帶歸波金鈿舊淚揮機杼玉
匣新愁對織梭誰謂天街良晤少人間轉見別
離多

九日登洪山寺讀馮子和吏部半峯長老
兩壁間之作

登高爲訪前朝寺塔影重重到酒卮寶地菊花
無數色珠林霜葉自相吹風流才子馮唐老雲
水高僧惠遠奇古往今來俱莫問倚樓乘興一
題詩

陳空山山人訪余有懷高司馬真無際氣
逼元龍更有樓之句次韻答之山人爲黃
岡王穉卿蒲圻廖鳴吾里中童士疇三先
生所重山人名紀南昌人

逢君詞客又逢秋萬里江湖夜泊舟木落聲酣
雲夢野風濤背指岳陽樓行吟有杖還何處垂
老無家得自由謾道向來投轄者杜蘅芳芷欲

生愁

送袁履善先生之黃州

仙槎新水去翩翩赤壁重逢壬戌年雲樹遠迷
鉛鋸外雪堂遙在鳳凰前浮踪自古原無定詞
賦于今可並傳倘念問奇門下客鯉魚容易上
江船

夏汭草堂呈按察公

草堂曲抱郡城阿城外江流繞薜蘿近水樓臺
懸倒影忘機鷗鳥浴滄波興來時倚青藜杖醉
後頻聞白雪歌異代漢濱談父老芳名誰似此
中多

復中樓

我家司馬好樓居朱拱岑軒倚碧虛百雉江城
依坐近六時鐘磬入簾疎東風夜熟山中酒北
斗光連架上書却憶陶潛歸去後自言吾亦愛
吾廬

酬郡守袁先生

幾年講藝尚青袍授簡于今慶所遭刺史廷中

風正細郎官湖上月初高侯芭敢謂探玄秘宋
玉無能續楚騷後夜定承宣室召肯言詞賦在
湘臯

雨中何啓圖編修過訪

杜陵蕭索長安舍不意何休今雨來山色溟濛
低戶入花香縹緲逐風回承家詞賦驚新調浮
世韶華付舊醅安得海南戈盡洗中原與爾一
登臺

懷袁履善先生

國士相知意倍憐蕭條况對暮雲天謾愁華髮
年年改却喜名篇處處傳黃鶴有樓常作客蒼
梧無計解留賢自從歸去歌明月赤壁還虛載
酒船

酬馬鴻臚金陵見寄兼懷伯兄司業山中

飛閣圖書傍玉河良宵車馬幾經過別來忽得
南中信感舊應知北望多雲擁秣陵常帶雨月
臨玄武自生波碧山咫尺難兄在門外誰籠道
士鵝

送同年歸熙甫尹長興兼寄徐子與

太湖秋色遠連天漢節經過茂宰賢登覽興飛
雙屐外文章名重五雲邊政閒鷗鷺真堪狎俗
化魚龍亦穩眠况是南州高士在澹烟疎雨泛
湖船

送同年葉男兆尹福清

別君曾看寶刀雄作宰風流出漢宮百里况逢
征戰後三秋已過別離中垂簾草細來春色隨
蓋花深息海風最喜玉融山下樹棠陰還與舊
時同

送范殿元伯禎使魯藩

翩翩詞賦獻長楊况奉天書出建章金闕柳垂
隨劍珮玉爐香靄傍衣裳分茅爭羨宗盟重擁
鐔遙迎節使光倘過泰山觀禪草登封原不待
明王

登毘盧閣有懷大川上人

高閣岩堯祗樹林炎蒸下馬一登臨蓮花散作
諸天雨貝葉翻生萬壑陰塞北雲流頻送目湖

南樹渺正愁心談禪何處招支遁落日憑闌思
不禁

九日署中有懷按察公

東省含香舊佩萸近開咲口對江湖眼前節序
猶今昔天外風烟任有無雲堞寒光浮塞鴈霜
林秋籟起庭梧昨宵正作還家夢新釀尊羨祝
美鱸

秋夜同包元夫對月

瑟瑟西風秋欲號清輝一望楚天高自憐意氣
看長劍翻怪歸心折大刀北極關山凝露色南
飛鳥鵲見霜毛若非握手論文侶潦倒安能醉

濁醪

送君朝發太行東楊柳垂絲驛路中車到夷門

虛尚左簡投梁苑賦還工三花樹杪來新雨九
曲河流度晚風莫道近來烽燧少腰間常帶寶

刀雄

懷李川父先生

驅馬夷門忽又春殷勤尚記酒杯頻斗山望重
河流迥烟雨詩成嶽色新四海幾年仍羽檄五
雲何日下蒲輪玄亭雪夜如相憶不見南來問
字人
送同年陳懋修使蜀便歸
羨君此去賦皇華丹詔光生海上霞一代人龍
雄百粵萬山飛鳥度三巴題橋正過臨邛里辨
石應迴博望槎却憶同心輕聚散春明門外夕
陽斜

途中寒食呈包元夫大行

羨君四牡正駢駢野外春華共指揮日帶晴虹
榆火散風回嵐翠柘烟稀驚心節序非吾土握
手交情况帝畿一望園陵應咫尺幾時得問故

山薇

謁陵後曉行次郵承芳見投之作

七陵烟樹首重回指點黃金有舊臺今古地靈
何處起乾坤佳氣此中開星流青嶂疑傳火風
擁晴沙似吼雷昨日振衣頻北望胡天莫遣暮

笳哀

送王尚涵使雲貴關星旅青朝越野火風
滕王閣上羨君才擁節長驅亦壯哉萬里法星
天外迥九重甘露日南開月華遙映昆明曲春
色先迴越雋臺却憶漢家曾遣使殷勤但爲碧
鷄來

送同年熊中甫使關中
故國論交見爾真那堪轉餉又西巡千金雲散
酬邊士萬甲星羅逐使臣天外角聲悲九塞風
前嶽色滿三秦登臨倘作懷人賦記得長安載
酒頻

送王純甫侍御巡廣中

仙旌東指五羊城柱下英聲滿帝京春色樹連
南嶺近夜光珠照海門明鯉魚不待移霜徒驄
馬遙瞻向日行此去掄才懷往事鶴樓先輩有
嘉名

雨中口呈四叔一兄燿弟陞姪
長安入夏多伏雨五月六月渾無休一行作吏

憐獨苦千山飄梗何同遊
衡雲冉冉望家信芳
草日日喚客愁那得涼風吹我去
直上江干百尺樓

秋日簡明叔兄寺中

長安玉露報新秋散入東林暑乍收
問偈偶來支遁舍望鄉欲賦仲宣樓
藤蘿暫奉連枝會風雨其如一葉愁
却喜五雲浮鴈塔題名好在帝

玉州

七夕懷按察公

天街不復嘆離居鄉夢頻驚憶舊廬
江上清宵誰作伴山中白髮渺愁予
臨風久避人間巧曝日還誇腹裏書
獨有長安遊子意永懷蕭索夜窻虛

秋夜懷王素張中書因呈陳子錫太史

纖月涼風暑漸除思君意氣復誰如
向來出入同方朔別去飄零賦子虛
巒闕幾迴丹鳳詔臨池還寫白鵝書
殷勤更有絲綸客南望何由問謫居

三五
卷之七
三五
秋夜懷李君寵李乃家大人社中友也

千里關河夕照孤
思君飛夢度菰蒲
清言屢下吾家榻
濁酒頻尋舊日徒
幾欲題詩招隱士
久知著論擬潛夫
相逢莫詠南山豆
明月扁舟任五湖

其二

新詩近日喜相論
何意緘詞到薊門
三獻獨憐頻別足
九歌聊得續招魂
秋風鱸鮓肥深水
落日牛羊自一村
揭調漫悲蕭瑟甚
潭花絕勝武陵源

陵源

送沈茂才南歸

喜從湖海挹清芬
岐路那堪晚又分
白壁袖中明夜月
黃金臺上擁寒雲
鴈行夢入春池草
龍劍光生北斗文
別去謾談前夕會
吳歛尊酒重思君

九日昌平道中

頻年此日倍驚秋
况復蕭條事遠遊
三輔河山天外峙
七陵烟樹望中浮
興來濁酒還開口
欲

探黃花懶上頭憑几却憐南去鴈可能緘字到
江樓

病起過成壽寺書僧光堂卷僧郢中人

空門採藥禁城邊入座逢僧是皎然突兀殿深
疑帶雨高標塔迥又生煙幾回共說無生話那
得常參不住禪多病亦思鄉國社東林與爾白
雲眠

寄周慕亭先生

蜀中作宰此叅軍阻絕干戈不可聞霜鴈天南
千里影月狐山隔萬重雲岷江風物曾留愛滇
海煙嵐好樹勳獨愧漢廷疲執戟寂寥還草太
玄文

除夕前一日訪倫紹周得年字

改元節序又經年詞客相逢對綺筵竹葉渾如
江夏酒梅花遙向嶺南傳太行雲繞空天際碣
石寒消近日邊歲歲干戈還未定可無勲業勒
燕然

除夜倫紹周過訪得秋字

醉裏看君賦倦游庭闈悵別幾逢秋青雲縱結
時名好白髮同牽故國愁寒氣漸隨宮漏盡春
光偏向酒卮浮漢廷多少鳴珂侶車馬何人晚
更投

酬吳使君明卿見贈

曉起春衣朔氣寒髫年問字待長安片心尚記
千金諾一見那能十日歡滿地干戈愁約帶凌
雲詞賦好彈冠樵陽臥閣如回首不信青山不
改觀

其二

熊軾遙先萬國來諫書曾向漢廷開垂裳重覩
風雲會把袂翻憐歲月催白雪已驚成絕調黃
金空自擁高臺相逢莫話投珠事今古何人是
愛才

雪夜同社中諸子飲張山人懋復草堂

自社相看亦酒樓回風新雪點貂裘盤飧客裏
多兼味燈火尊前話舊遊勝跡謾誇雙屐遍高
名偏向五雲浮興來况對山陰侶不泛當年剡

曲舟

送魏文可南歸兼呈尊公順甫憲使

樽前握手不勝情況復交驩屬世盟落日荒臺
誰繫馬春風故國又啼鶯上林詞賦誰爲薦東
岱循良去後名爲道同心亦歸隱尺書容易到

江城

時家夫人謝政

問吳使君明卿病席間偶作

入座胡床夜語深憐君藥裹漫相侵宦情拙訝
潘生鬢旅况頻消季子金宣室有懷誰賜問江
潭飛夢只行吟披衣莫詠陽春調海內何人是

賞音

首夏同計部丘子雲比部蕭文明飲王觀

生羅伯現二進士館中

鳴珮珊珊共帝廷朝回折簡酒初醒上林風景
非三月故國衣冠聚五星燕語含雲棲畫棟柳
花飛雪點青萍醉中偏有江湖興何處燕然好

勒銘

送龐中丞屯蹇五路

柱下埋輪有重名中原此日借君行朔方不獨
尊經術南國重過迂使旌入塞黍禾浮蜃氣渡
江舟楫湧潮聲黃沙赤鹵多民瘼湖海何年一
罷兵送劉學孔史部之南太常會輿鼎書取賦
鍾山雲樹渺長空新水樓船屬上公昭代典常
三禮重古來詞賦兩都雄蒼生望入持衡裏白
社情牽落照中不久廟堂應曳履尺書那更託
江鴻

七夕

雨後風生木葉凋傳言靈匹度星橋北來戎馬
還堪慮南去冥鴻未可招天轉七襄機杼動路
盈一水珮環搖浮生最有無窮感那得相逢似
此宵

同李元甫李本寧二翰史飲方子及戶曹
宅分得羣字

把酒虛堂漏欲分曲江世好總能文秋深家遠
鱸爲思木落天空鴈自羣鄰杵蕭條懸塞月禁

鐘屨尺度宮雲詞人賦就渾珠玉獨向尊前愧
郢斤

得曾以三督學書

海內多君自楚才談經太華共崔嵬鴈鴻聲急
雲中下鳥鼠山從天外開長日綠苔槐市印秋
風碧草柏梁臺緘書不盡相思意那得尊前酒
一杯

重陽後一日同李元甫李本寧二翰林別
方子及之全州席間得軒字

今夕茱萸約尚存却憐旌節又郊關西山高處
還千丈南浦離心寄一樽翡翠好工詞客興羔
羊應續大夫軒別來後夜思方叔桂嶺徵書下
薊門

五風玉引瞻翰林劉元甫進士見過席上得盤

瀟湘詞客共長安訪舊應留永夜歡自接仲宣
頽倒屣况逢劉向且彈冠九秋碧葉浮空盡十
月黃花浥露寒憐爾漢廷俱近幸寵恩爭羨赤

瑛盤芥豆露寒菊耐霜寒
賦回寄梁彥國兼懷歐禎伯
梁鴻別去不勝情却喜詞人尚舊盟
玄草春生淮海色丹心時上棘林明
斗間氣合雙龍劍江左風流五鳳城
况近嶺南梅可折一枝好爲寄
同聲

飲徐子與觀察席上呈李于鱗參政
秋深搖落菊花枯海內詞盟碣石開
紫氣向來瞻日觀彩毫誰復賦天台
十年龍臥蒼生望萬里鵬搏白晝迴
莫訝荀生忻御李人間難得是
僊才

二酉園詩集卷之七

二首園詩集卷之八

西園詩集卷之八
河陽陳文燭玉叔著

七言律
山入烟林秋氣清
水涵沙渚晚風涼
芙蓉露冷香猶在
木末霜寒葉已黃

同李本寧夜集李元甫時方予及刺全州

余物得懷字

月華依舊到處階
何事翻來萬里懷
竹馬逢迎經粵國
霜鴻尺素滯江淮
交深話久情偏洽
夜半鱸寒酒正佳
莫道和歌渾漫興
風塵回首幾吾儕

晉劉送徐子與之武昌同二李編修分得陳字
雙旌南下楚江津帝里論文此夜頻黃鶴碧波
牽盡舫青山白雪滿征輪多冠不似長沙遣漁
父猶憐澤畔身別後壁間懸榻在古來交好自
徐陳

同陳維錫沈子靜二太史李孝甫太僕柴
季通山人飲楊懋功客部宅得詩字

仙郎招侶幾嶠危儒雅風流總一時積雪夏餘
簷際曉寒星遙向斗間垂彤庭久羨凌雲賦白
社仍裁午夜詩莫怪醉歌渾不去論交偏愛子

雲奇

得高州吳明卿使君書却寄

萬里傷心一紙書開緘明月照璫與衡陽雲樹
頻回鴈海畔烟波自鱸魚柳色低垂春正好梅
花遙折意何如陸生亦是金閨彥南粵當年有
使車

同甘征甫憲副張肖甫學憲飲李元甫編
修宅得軍字

春城斗酒共論文巫峽詞人盡子雲賦就中原
呈五色筆懸東觀掃千軍飛花欲向尊前墮歸
鴈翻驚月下聞星聚自來今夕少關山明日又
離羣
幾年清夢在西川海內詞名自謫仙尊酒喜逢
芳草色彩毫飛落養花天玄談尚憶青雲署丹
詔還趨紫極前况是中朝曾曳屐韋家經術自
稱賢

酬張肖甫學憲見贈

意氣相逢尊酒前明光起草是何年三湘家世
應非遠七子才名爾並懸白馬向來多善政碧
鷄重過有新篇上林且晚君王問寂寞文園定
召還
閭闔新陽下九天玉階劔佩引春先光臨雉尾
輝晴雪聲入雞籌散曉烟萬國共成王會禮五
雲誰賦帝京篇袞衣欲補慚無路此日空添一

線懸知帝京盛衰未忘濟濟無疆北山空翠一
鞞翻送楊祠部督學河南萬國共效玉會登玉
詞臣捧檄出京華宮柳含春向日斜造士鄴中
還七子尋仙洛下有三花彩毫飛動平臺雪絳
帳光生少室霞此去問奇無限客幾人能復似
侯芭

其二

春風芳草送行旌十載交游自舊盟世業共推
揚伯起典文曾重魯諸生尊公視學山東千峯嶽色當
窅見萬里河流繞座清况是登臨多逸調可能
緘字寄同聲

送李見甫戶曹之謫所先時上封事

與君相見即相親柳色鶯聲問去津萬里尚堪
馳驥足九重曾喜逆龍鱗危言不諱逢明主
岐路何緣度逐臣後夜賜環焚諫草淚傾肝膽
墨還新

神林谷歐禎伯見寄之作兼懷梁彥國

詞人握筆廣陵濤寄我音書脊正高萬里風烟

牽客憂百年天地自吾曹青山突兀三都賦絳
帳淋漓五色毫爲問舊時同社者近來孤調向
誰操

徐子言廷評招遊摩訶庵沈張盧袁蕭杜
金玉諸公靜堂上人在馬庵去北城十里
與我亦都亭作賞也

風塵春色看何在出郭翻驚花亂飛脩襖偶尋
山麓寺乘楫偏愛水田衣空中高閣浮青靄午
後踈鍾繞翠微况是東林堪結社白雲芳草迥
忘歸

守庵高僧不出詩以柬之

不見支公共品題禪心入定日將低談經聞說
叅龍藏送客何曾過虎溪性入野雲都是幻道
從耕水已多西松窓欲扣沙門果色相羈人總
路迷

送饒近剛侍御按山西

朱門旌節出郊閣爭羨英聲柱下存西去羽書
還上黨向來抗疏在中原掄才明月河汾色攬

同心久不見丘爲伏雨紛紛重所思四壁蕭條
蝸宇滿三齊阻絕鴈書遲雲根忽向蓬萊出日
觀遙疑檻外垂漫道所須惟藥餌采芝吾欲向
東籬

寄懷鄭中伯山人

泰山東望暮雲生湖海文章自結盟齊國幾年
留魯仲趙王當日重虞卿秋深兩地迢迢隔月
到中天處處明那得扁舟過谷口與君懷抱一
相傾

中秋十三夜同王儀甫太僕梁思伯舍人
李惟寅環衛王引瞻李本寧二吉士童子
鳴康裕卿管建初三山人飲陳維錫檢討
宅得頭字

羨君簪筆在螭頭休沐芳尊爲月留萬里關山
同麗景一時湖海况名流金莖露色當空下太
液波光繞樹浮後夜倘懷庾亮興鄉心偏掛武
城樓

十四夜童子鳴康裕卿二山人過訪得歌

字

尊酒相看意氣多誰憐客鬢共婆娑
冰輪尚缺一分滿荒徑何緣二仲過
蛩語螢光飄檻砌鴈聲木葉自關河
悲秋聽爾驚人句莫向風塵問郢歌

夜過同年袁魯望席上得青字

幾年詞賦獻明廷吏隱金門自歲星
秋入五雲驚朔鴈寒生一葉點流螢
誰當作者心偏苦最是知音眼倍青
秉燭賡歌渾不寐文園翻訝各飄零

同黎惟敬駕部梁思伯舍人訪袁魯望吏部得蒼字

相逢詞客引杯長碣石談天夜未央
金掌露華秋色淨御溝梧葉晚山蒼
彩毫兩世題鸚鵡畫省三年傍鳳凰
何但故人頻晤語風流誰不慕仙郎

九日懷諸兄弟

搖落殊方歲月催不堪仍復掌中杯
四愁隱隱

張衡望九辨蕭蕭宋玉哀客鬢漸驚楓葉下鄉
書懶對菊花裁懸知遍插茱萸日載酒同登何
處臺

陳維錫沈子靜二太史楊惟貞儀部黎惟
敬駕部梁思伯舍人李惟寅環衛夜集得
時字

楚客天涯有所思興來招侶共嚼卮謾言竹素
成千古却喜蘭芬自一時鐘細遠風飄紫禁几
寒清露到烏皮羣公况復多情甚高論渾忘斗

枳移

送李養吾秀才還大梁李乃川父先生乃

孫詩中道感念云

憶昔夷門落日斜景延堂上醉春華別來正有
山陽感送爾翻驚去路賒百萬書還藏九曲五
千言已映三花漢廷倘憶長沙傳不久應須召

賈嘉

嘉乃賈誼
之孫故云

寄陸道函太守

別後鴻書幾欲裁大河秋色正悲哉甘棠舊地

當年愛玄草新亭此日開去國牢愁原屈宋還
家詞賦即鄒枚越南戎馬渾多事將相何如陸
賈才

送劉司訓之錢塘

楓葉蕭蕭匹馬前故人今去擁青氈山當天目
渾飛雨潮入西湖好叩舷鴈語獨驚鄉國夢麟
經還抱舊時編知君才美堪民社未可擔囊老
鄭虔

同沈子靜陳維錫二太史楊惟貞儀部李
環衛惟寅宅對菊得寒字

秋深芳樹欲凋殘解珮珊珊劇盡歡叢菊正開
詞客興落英原是楚人餐臨風夜引金莖色滉
露光搖玉笋寒三徑自來多勝賞不知明月墮
闌杆

送吳汝觀守武昌

朱輪新擁漢宮秋水部才名更孰優渤海烟波
今臥閣晴川風日好登樓尊前作賦招黃鶴江
上行春引白鷗定有斷碑橫夏口逢人不說峴

山頭

今朝退同蕭文明比部馬上望西山晴雪口

宋餞占一首

一出金門縱遠眸瑤華百丈最高頭東方曉日

依瓊樹瀚海回風擁玉洲寒色欲連鳩鵲觀凍

雲遙傍鷓鴣裘揚鞭亦有登臨興却似山陰訪

戴舟

禁中對雪

冬日鳴珂散紫宸朔風吹雪點朝紳爐烟細細

寒仍合宮柳霏霏望更新龍尾光搖迷步輦鸞

班清靄隔行塵遙聞睿藻賡黃竹授簡慚非侍

從臣

秋夜懷李元甫內翰

白也驅車萬里餘暮雲晴樹渺愁予文章喜見

驚寰宇風雨邠堪賦索居方朔暫違金馬侍長

卿還著茂陵書秋來新水平如掌肯向巴江斷

鯉魚

雪夜懷包元夫計曹

萬山永夜一孤舟
風急天高雪未休
取醉與誰歌郢曲
維梢還自看吳鉤
囊中財賦今應盡
海上烽烟尚可憂
倘折官梅逢驛使
應憐何遜在揚州

其二

蒼藤古木映空齋
對景含毫獨爾懷
歲暮鄉心同入楚
夜寒尊酒正如淮
廣陵江遠濤堪賦
羽畎山高氣自佳
別後有書附行舸
不知冰凍米家剝

雪後何啓圖編脩夜過得麻字

濁酒相看戀物華
萍蹤歲晚况天涯
雪花片片餘三尺
寒色陰陰照萬家
此夜柴扉攜綠綺
宅年綸閣自黃麻
揮毫羨爾鄒枚賦
何處梁園入望賒

酬方景武山人見懷之作時山人從戚將軍塞上文大行外山西

杜陵當日依嚴武
羨爾今驅九塞車
天外關山頻入幕
閩中兵火更無家
貌同郭解風生劔
賦

似江淹筆夢花一紙鴻書心寸折幾時尊酒醉
京華

送謝宗文大行使山西

艷雪初停朔氣寒幾迴尊酒醉長安王孫綠鬢
稱天遣帝子朱輪逐漢官三晉鶯花連梓里萬
星騎火列桑乾塞帷好吊龍門令潑潑黃河下
夕湍

立春日雪同曾子玉蕭文明李本寧飲吳
士望比部宅

霏霏春色點西堂此夕招尋倒玉觴郢曲自來
稱寡和酒徒原是舊高陽菜盤細剪燕京俗脂
藥還餘漢署香莫向風塵嘆留滯夜深聊與話
江鄉

其二

流風迴雪已黃昏春色俄驚滿薊門銘酌共淹
長樂漏音書遙憶莫愁村柳條裊裊青陽媚梅
蕊輝輝玉露繁稍待春華將爛熳興來呼取盡
餘尊

春日酬陳維錫檢討見貽之作

臘月常年春尚早今年春日寒猶多青陽忽送
青絲菜白雪仍迷白玉珂迢遞關山頻入望浮
沉節序任蹉跎惟君意氣憐同調醉倚胡床一
放歌

同吳仲立憲使蕭文明比部飲毘盧閣

招提春到盡氤氳把酒論心坐夕曛一望關河
深雨雪五陵宮闕自風雲倚闌那用青藜杖染
翰頻驚白練裙忽憶舊游零落半暮山鐘磬不

堪聞

懷陳子壽解元

回首論文感慨深杜陵韋曲幾招尋梅花不寄
南來信芳草空牽別後心鵙鵲觀高雲五色驂
騶臺迥價千金相思莫下陵陽淚明歲看君到
禁林

讀家大人贈李君寵之作因懷君寵

六年不見李生面江湖來往一輕舟解衣推食
有知己搔首放歌真自由說法維摩還抱病耽

詩杜甫更多愁蘆花烟水渺何許落日神京重
倚樓

人日東陳維錫何啓圖二太史

栢葉初開酒正香醉來偏自覺春長頻年作客
悲燕市此日逢人憶故鄉片片綵花金是縷垂
垂梅蕊玉爲粧詞林二妙原同調肯一題詩到
草堂

飲蕭文明比部宅因懷乃兄伯仲

仙吏飛觴醉紫霞懷人何意尚天涯原鷓正憶
連枝樹走馬還看一
日花江左才名推陸氏漢
陂遊與似岑家回思十載論文日翠竹茅齋在

玉沙

酬曹有卿大參見貽之作

縹緲春城下暮雲向來世好悵離羣林間啼鳥
聲初喚天外歸鴻語欲分
石酒尊仍舊侶匡
山詞賦愜新聞漢廷畫一
勲名竝不似當年獨
少文

元日書懷兼荅陳維錫太史見貽之作

歲當元旦且驚初蝕東陸俄看已漸圓梓里有懷
空愛日杞人何事只憂天官梅宮柳青霄外寒
霧層雲紫極前聞道春秋類紀異史臣題詠是
新編
送劉元甫計部使塞上兼懷乃兄性甫
司農轉餉出神京海內論交有弟兄雉堞塞雲
天外迥龍廷獵火夜深明九霄爭羨長楊賦三
輔重開細柳營爲問江臯同社客池塘芳草逐
春生

別孫受甫都閩之貴陽

殊方正喜故人過南浦其如惜別何燕麥三春
迷驛路豹韜千里下泮河尊前不盡長亭話劍
氣如聞出塞歌莫向習池耽勝賞中原今日憶

廉頗

日天衣水練具外星金闕盡堪羨

送毛尚書致政南歸以鄭驪寒雲中冓
端笏垂紳四十年青主恩今得賜南還袞衣舊
補星辰上赤舄遙懸日月邊帆轉海門通御氣
夢回山溜響鈞天漢廷去國人無限不及東都

祖帳賢

梁思伯舍人席上同諸公餞別黎惟敬計

部使塞上得青字

曼倩仙才寵漢廷風塵此別憶飄零雲中長劍
迴晴日天外孤槎見使星金闕遠連芳草色玉
門搖落柳條青臨岐咲指燕然石彩筆于今好
勒銘

雨中喜艾純卿司訓至自恒陽書院

故人經術重河汾絳帳諸生日校文湖海一尊
今夜雨風塵千里暮山雲黃榆嶽色當空下紫
塞笳聲繞席聞莫以詞華甘寂寞請纓還自屬
終軍

送范伯禎司業之留都兼懷通政湯先生

縹緲詞臣出漢關螭頭龍尾是仙班誰言去相
三吳遠更挹雄風六代間萬馬江聲懸采石經
鴻月色下鍾山玄亭講易當年事爲問何人最
往還

送張子田僉憲山西

故大旌節去翩翩芳草飛花夕照前一別可能
十日飲三秋仍寄四愁篇王風舊識黃虞盛卿
月今從紫塞懸把酒劍光渾欲動鴈門搖落有
烽烟

送易惟效大行使蜀
尊酒何緣悵解攜長安芳草正萋萋仙旌喜挹
三春色題柱遙過萬里西劔閣雲深垂馬首錦
江花落傍猿啼采風歸奏明光殿極日中原尚
鼓鼙

送沈崇善僉憲貴陽

曉辭丹闕出長安君到黔陽振羽翰鳥道萬重
牽別緒鶯花六洞駐征鞍古來勲業還銅柱今
日烽烟淨鐵冠獨有夜郎山下月清輝猶似上
林看

送武侍御巡邊

翩翩丹詔下龍樓回首西曹憶舊遊驄馬忽驚
過萬里射鷗從此絕三秋霓旌帶月飛關外羌
笛吹雲出隴頭白簡歸來仍奏績君王宵旰

可無憂

寄懷王觀生司理

楊花如雪點長空一望心飛百粵中
懷土登樓知爾賦臨池染翰許誰工
天涯碧樹驚歸鴈雨後青山出斷虹
忽憶向來河朔飲故人尊酒幾時同

春日憶吾家牡丹如世美堂有斐亭見南
閣浴雲軒盛開可愛悵然有懷書寄諸兄
弟

名園國色總堪誇徙倚朱欄况一家
絕調自來憐勝賞含情偏覺悵天涯
酡顏暈日飄金縷仙珮凌風舞翠霞
姚魏當年還異姓弟兄莫遣負春華

同梁思伯舍人王敬美楊懋功二禮部洪
從周康裕卿管建初三山人饒陳仁甫太
史使楚喜黎惟敬秘書周公瑕山人初至

得堤字

碣石宮連北斗齊仙旌南泛武陵溪
山當赤館

窺平楚歌傍青霄自大堤二妙正逢河朔飲三
湘遙在洞庭西亦知後夜談天會驚座何人更
品題

懷高王二都閣

故人何事共投簪雙劍光鋸北斗參擊筑恍如
歌易水登樓况復賦荆南柳邊連騎花仍亂谷
口流鶯酒正酣獨憶中原烽火日可容綠鬢老
江潭

歸熙甫黎惟敬二秘書沈子靜太史梁思

伯中翰王儀甫太僕王敬美楊懋功蔣移

之三祠部李惟寅環衛周公瑕洪從周康

裕卿管建初四山人送余都亭席上賦別

詞盟數載共長安觸暑翻驚行路難北闕正懸

甘露想西山遙向暮雲看詩成竟在河梁立歌

罷如聞易水寒後夜有懷潭不寐秋風搖落禁

鐘殘

漢津

清尊落日共淹留車馬何緣滿道周新水最宜

青雀舫故人相送白鷗洲
飄飄梧葉渾如雨采
采黃花總是秋郡閣
有時成獨臥迢迢飛
夢繞江樓

漢口寄滇南憲使徐子與
帆帶斜陽影欲西孤城
芳草共萋萋樓臺正好
招黃鶴旌節行將賦碧
鷄吊古烟波當日事懷
人霄漢暮雲低莫言萬
里成途瀾處處青山入
品題

張山人懋復舟中讀王儀部敬美詩

夜雨扁舟會滿前披衣同上禹王祠
三江細浪浮杯酒兩岸清霜入鬢絲
杖履病餘還勝槩交游老去有新詩
美人尚在天涯外欲采芙蓉寄所思

湖口

徐牽錦纜入洪都彭蠡波濤鴈有無
片片寒雲天共遠纖纖明月夜同孤
興來恍憶黃蓬寺入望翻同青草湖
澤國故人今漸遠秋風何處采靡蕪

李芳卿計曹招飲俯江樓

匡廬縹緲挂樓頭
燒燭良宵總勝遊
吳楚山川成遠眺
乾坤日夜自孤舟
月明白鹿真堪賦
雨後青螺望欲浮
不是德星今偶聚
仙郎意氣本相投

夏口寄陳仁甫太史使楚

碣石宮高總勝遊
美人分手忽新秋
興來定訪桃源洞
歌罷誰同郢上樓
玉露金莖成遠夢
雨花烟葉亂扁舟
衡陽咫尺猶難晤
况在長淮萬里流

除夕

傲吏風塵總不驕
含情故國與雲霄
幾年旅食悲留滯
是處清尊慰寂寥
春色遠迴淮浦樹
角聲吹落海門潮
江臯此夜懷游子
綵筆縱橫思獨饒

別林文肖職方還朝

美人今夕共天涯
尊酒論心日欲斜
此去關河連鴈塞
可堪兵火尚龍沙
江頭魚鳥歸圖陣
天

上星辰落劔花聞道單于新納款西風莫遣度
悲笳

得歐博士楨伯書

片雲踈雨過江城白鴈傳書自友生萬里共憐
三殿遠十年還是一經橫廣陵屐尺留遺散汝
水迢遙有寄聲聖主好文誰薦士故人詞賦重
西京

湖上柬徐寶應

僊令相逢一繫舟行春面面總汀洲海門月色
窺簾細水國潮聲入座幽作客自憐形贈影應
人翻訝馬兼牛漁歌款乃渾無賴觸忤鄉心起
暮愁

四明薛茂才過訪兼寄沈嘉則山人李孝甫司馭

書劔飄零亦可憐筆花曾賦薊門天故山在望
仍千里岐路相逢又一年暮雨偶開文學館長
風吹送孝簾船無竒自是江淮吏不寄同心郢
上篇

童山人子鳴東游過訪

蕭蕭烟水泛輕舸
潦倒逢人醉濁醪
留滯自慚千里寄
醉歌君失五陵豪
觀濤勝槩來曾臆
吊古多愁入鬢毛
更探秦時封禪跡
斷碑長覆白雲高

寄魯刺史

感慨投簪出漢宮
歸來高臥大江東
漢陰遺愛曾留犢
天末相思少便鴻
四海風塵還赤羽
三秋蕭瑟總青楓
淮南招隱慚無賦
爲問山中桂幾叢

立秋

避暑俄驚暑乍除
西風一夜是秋初
傷心塞北通朝貢
極目淮南盡水居
臥閣有誰憐狗馬
思家原不爲鱸魚
天邊鳴鴈如相過
早寄山中一紙書

袁履善先生過訪

夜雨空林話倍多
張燈無柰故人何
荆山泣玉逢知己
岐路投珠好放歌
秋色十年驚赤壁
濤

聲千里下黃河賜環况復逢今日莫向山中問
薜蘿

酬陳仁甫檢討見懷

明光起草總稱竒一別俄驚歲屢移傲吏正宜
供簿領故人何意有新詩燕山字比南金重碣
石宮連北斗垂惆悵天邊舊時月秋風搖落是
相思

泗水驛計司理光甫偶集

玉壺尊酒對津樓諫草君將爲國籌作吏久甘
魚鱉長授衣初檢鸛鷄裘呼來明月雙珠出語
罷清霜一劔浮鼓棹又尋淮浦路濤聲秋色使
人愁

送殷計部還南都

風塵意氣爾偏豪吊古淮陰醉濁醪分手烟波
牽客夢諭心金石自吾曹六朝寺古飛霜葉九
派江深湧雪濤莫謂登臨如所請玉珂還入五
雲高

下邳舟中

擊汰臨流感慨多大河風雨一經過陽侯甘作
頻年苦瓠子遙聞落日歌萬舸濤聲回壁馬時
河孤村樹杪走龜鼉授書欲叩橋邊履時事驚
心更若何公金亦自吾曹六博古亦非
得曾以三太僕書我勿相賦細令十
美人一別思悠哉宮闕參差首重回襄郢詩篇
原孟杜古今交好只陳雷江鴻忽下南天語神
馬遙聞西極來况復君王仍問駿千金誰似舊
時才

得周用馨吳士望二給事書

散朝花底問綿絕遙望蓬來五色高日射天門
同視草雪飛郢調幾持螯故人禁闥真雙壁客
子江湖總二毛聞道雲霄思吏治莫因踈薄薦
吾曹

得李維寅環衛書

淮南木葉早驚秋徒倚朱欄意未休一羽忽械
雲漢字三山况近故園樓夢回無使蛟龍得歌
罷仍深花鳥愁夜月正懸明鏡好幾人還似舊

時遊

懷周興叔通政袁魯望吏部

懷人何事悵離羣
咫尺音書久不聞
鳳闕大江山更遠
蜃樓淮海日初曛
詩篇蘇李仍千古
事業夔龍自五雲
傳道金陵重結社
迢遙尺素爲誰勤

送李顯卿吏部還朝

丹詔翩翩下薊門
却憐才子荷君恩
投書偏自容中散
啓事于今有巨源
顏近玉樓春色曉
掌令金狄露華繁
晨趨扈蹕多僊侶
記得荒城酒一尊

次黃山人一之韻兼懷淳父

出牧江湖嘆滯淫
喜從塵外得知音
八公山色來叢桂
一代才名有竹林
雲翰自天渾避舍
風流何日共披襟
相逢莫問浮淮賦
搖落秋霜鬢欲侵

送解仲立司理應召兼懷孫仲直吏部

大河孤棹對斜暉
送爾雙旌到瑣闈
去日諫書

投 帝闕幾年清節在王畿兩淮梧葉蕭蕭下
萬里江鴻矯矯飛回首故人俱近幸闕河迢遞
更依依

送張憲使國禎之秦
繡斧憐君去路賒明庭曾下璽書嘉關門忽動
千秋紫河漢仍驚八月槎烟水輞川存竹里雲
霄仙掌出蓮花登臨定有懷人賦飛夢迢迢到
海涯

得方山人景武見懷之作且寄余戚二將
軍陳十七秀才及舍中兒書俱未至悵然
却寄

關山一望塞雲頻長憶當筵擊筑人牛馬亦知
隨處應鴈魚何事幾沉淪孤城白雪偏生色客
鬢清霜迥絕塵郡閣久懸高士榻遲君尊酒是
良辰

送計光甫司理應召
當年獻賦五雲樓細細爐烟滿袖浮顧我沉淪
逢舊侶羨君徵召下新秋韓山落木千砧送

淮浦蘆花一葉舟二十四橋重載酒相思簪筆
殿東頭

宿報國寺讀家大人及童學士壁間之作
書寄明泉上人

登臨揮翰是何年忍草禪枝此竝傳南國文章
光寶地上方星斗護諸天雨流雲氣龍常過松
老陰深鶴自眠靜夜有人談往事幾迴惆悵佛
燈前

寄明泉上人

風塵當日在長安支遁時時共倚欄一別忽
青鬢改半生禪定白雲端月明正照菩提樹泉
水常流洗鉢壇遙憶茶瓜留客處楓林秋籟不
勝寒

席上別紀旭仁得開字

王孫意氣總堪哀塵市相逢亦快哉霜白夜深
蕭寺裏雨聲木落遠天來同心喜得江湖調高
臥慚非岳牧才明日單車淮浦路幾時尊酒爲
重開

與施伯雨計部夜酌兼懷王子裕憲使汝
明吏部
孤城落日此停車咫尺清光似索居良夜一尊
開雨後美人片語是公餘娟娟叢桂來山色冉
冉芙蓉映水踈爲問右軍名父子臨池揮翰近
何如

別吳汝奇計部兼憶乃姪約卿侍御
謫居翻與故人違雨露新恩有召歸孤艇青天
曾蜀道高歌白雪滿玉畿長亭斟酌尊偏綠近
市盤飡蟹正肥忽憶少遊渾是夢招魂欲賦自
沾衣

懷王伯生李少白

二妙江湖總好奇况當風雨共臨池莫言醉失
乾坤大我亦偏憐翰墨宜架上許多青李帖秋
來應是白蘋詩柴門此日經過意那得相逢一
解頤

讀郭承芳憲使春興之作却寄

林宗風度久推賢洛下音書自遠傳駐馬幾迴

梁苑夕聽鶯還憶薊門天青春白雪多新賞
嶽色河聲自往年莫嘆沉淪同爾我黃金致士許誰先

得皇甫吏部子循書

才子高名更孰先飄零今已賦歸田
家庭羣玉多毫素門外持金乞草玄
四海賢豪原是黨三都聲價賴爲傳
冬來雪夜堪乘興湖上應過訪戴船

寄馮汝行別駕

憐君歸臥幾經秋爲問何官更不休
東望岱宗青未了夜深星斗氣偏浮
檄書正有天邊鴈機事渾忘海上鷗
一曲朱絃真縹緲古來誰得擬風流

中秋同費以方對月

中天皓月到簾鉤尊酒相逢話舊遊
叢桂寒標香面面芙蓉清露葉颼颼
冰輪曲抱河山影水氣偏明海國樓
冀北淮南兩相憶庭闈應問大刀頭

時家兒在長安

題薛氏瑞室

高閣迢迢迥出羣兩經飛烟自連雲反風尚憶
千年事塗隙偏存一仗文薛氏歷宋衡州太守持國處上兩經鄰火
幸存比屋有新誰更徙燎原知玉不爲焚龍門况
復家聲遠道徃于今是異聞

答王百穀見懷之作

梧桐落葉滿孤城何意同心有寄聲流水高山
真絕倡大江秋色倍含情亦知結襪交驩好那
得相逢倒屣迎爲訊一言裨召對漢廷應復聞

王生

寄余德甫憲副

少年揮手幾經秋高調翩翩遠見投七子詩篇
誰得似八閩勳樹尚堪求閣前霞色同孤鶩夜
半文光欲射牛何日扁舟大江去芙蓉亭在白
鷗洲

一酉園詩集卷之八終

西園新集卷之八

...

...

...

...

...

...

...

...

...

...

...

...

